庫全書

子部

欽定四庫

子部

全書 御覧經史講義卷九

詳校官中書臣潘有為 編修臣倉聖脈覆勘

校對官中書臣陳 覆校官編修臣汪 **腾绿监生臣王永年** 朲 鏞

次定四車全書 阿 御覧經史講義 欽明文思安安 强也言其他性之美皆出於自然而非勉强所謂 章也思意思也文著見而思深遠也安安無所勉 察沈日欽恭敬也明通明也敬體而明用也文文 監察御史臣熊學鵬

以臻神化之境而持於宥密者皆此曰明曰旦之 文而思而至於安安可見聖賢之實學其造詣足 善而史臣欲狀其心體必首之以欽而後由明而 兢業之謂也堯之徳性純粹自然無一不臻於至 臣謹按干古之治法必本乎干古之心法以為基 性之者也 精誠帝王之治功其聰明足以當憲天之重而凛 干古之心法必本乎一念之兢業以為主欽者即

スこりき かい 其欽之心於是凡有所思自足以通微而作睿蓋 著者也夫欽之功既其於文之内而文之中仍載 之功仍不懈而後有經有緯章美內含足以經綸 諸神明者皆此亦臨亦保之意念蓋人之心敬則 天下之大經而燦然成文者皆由其欽之所久而 明者由其欽之所積而成者也追心體明矣而欽 之會而是非曲直立辨於當前而不惑其所以能 定定則靈靈則足以燭萬幾之變雖當紛紜擾攘 御問經史講義

思之遠者欽之能遠也蔡沈謂敬體而明用臣 者之德俱人之所當有俱人之所當安而欽之功 思慮之所及周乎上下貫乎始終可以範圍天地 宥密之理萬物皆備無往不通而敬以真內所以 以為敬之體既立則明與文思皆其用也惟是四 而不過曲成萬物而不遺其思之深者欽之能深 有未至則四者之德有未純堯則天理之流行與 此心之不息者渾合而無問無往非欽而若不見 思

多定四库全書

文而若不見其文之煩無往非思而若不見其思 其欽之勞無往非明而若不見其明之迹無往非 華靡麗之境聲色貨利之途止圖取快於一時而 莊敬日强蓋言戒慎恐懼初猶勉强矜持久之而 心體而言也凡人之身敬則安怠則危記稱君子 所欲不踰矩也抑臣更有進馬安安之義非僅指 之苦堯之安安而無所勉强者即孔子所謂從心 天君泰然百體從合無往而不形其安適非若紛

次三日日上上上上 一 御覧經史講義

金为口屋石重 其實身與心皆不勝其紛擾也故為人君者誠能 以欽為主乾乾夕惕無往非顧天命畏民堯之心 美於唐虞之際也哉 萬世共仰有道之長矣又安見致治之隆不足娩 不使宫室服飾之得以役其精神不使宦官宫妾 之得以移其志慮操存熟而疵累捐履中蹈和内 以之建極外以之綏猷将見天地位萬物育天下

改定四車全事 即 御覧紅史講義 克明俊德以親九族九族既睦平章百姓百姓昭明 協和萬邦黎民於變時雍 書經 之量有所加堯典克明俊德數言本未源流至該 為基心之所具者理可喻諸天下而漸積漸推漸 臣謹按帝王之業以天下為量帝王之學以一心 推漸滿至於無所不被無所不極而要非於本然 监察御史臣彭肇洙

者無微不彰親親而仁民仁民而愛物皆功力之 歸於獨也蓋德之原於生初者無所不具近而家 接者身而堯典不言身而言德明乎人心之不言 至備其言君道也夏平尚矣何也人君與天下相 所必至有其不容辭者而德乃可以言俊有其必 邦遠而天下皆性分之不容辭而功之债於幽獨 而同然者理從其初而人情之不行而自至者功 可至者而明之功乃可以言克也茍况有言儀正

自じしたという

欠尼 Di 和 Ci tun ● 衛題經史講義 弟僕隸暫御之徒統是其言百姓也上而臣僚統 志氣警嚴覺平私之所由伏推斯肯也謹好惡慎 通者式型遠者向化故其言九族也近而家妻兄 言盡之蔡西山曰敬體而明用言心主一而無適 捷於影響而其實在功夫則此書篇首欽明之兩 言動精取舍公是非可以使賢者服教愚者畏威 則精神團聚絕平物之所以緣心常惺而不寐則 而景正盤圓而水圓孟方而水方此其感應之機

金河口尼白書 也洵乎德無不明乃俊明亦無定以克明為定也 是其言萬邦也極之凡有血氣者統是要之其言 于兹道積干嚴躬循此數端而體之以不貳持之 則隨德說命曰惟學遜志務時敏厥修乃來允懷 且夫修德有功而養德尤在防其弊逸則隳德周 明德也所謂格物致知誠意正心修身無不統是 公曰君子所其無逸矜則隳德易曰君子以虚受 人肆則隳德禮曰君子莊敬日强安肆日偷不學

ここりいろんか 之足云乎哉 以不息則上與唐堯並稱無難焉又何三代以後 一御览經史講義 六

		3	 3, 3 Op. 2	多足
				多定四库全書 一
				1
				从
				卷九
				_

欠八日山上人山山 一脚 御覧經史講義 帝曰咨汝義暨和春三百有六旬有六日以閏月定 四時成歲九釐百工無績咸熙 歲之足日也又按每歲所餘六日為氣盈所少六 書經 日為朔虚氣盈而不置閏則朔晦弦望差朔虚而 歲者一歲之省日也閏者補三歲之省日奏為三 謹按歲無定日閏有定法春者一歲之足日也 監察御史臣陳大玠

零二十五刻以二十五刻當一日舉全數而言故 也然一歲只有三百五十四日而經云暮三百有 氣該三百六十五日零二十五刻此氣盈之溢數 春到明年立春二十四氣全數有三百六十五日 六旬有六日何也此一歲大率之數也蓋今年立 不置閏則春夏秋冬差閏所以消其盈而息其虚 日三百有六旬有六日也二氣為一月合二十四 也十二月有六小月此朔虚之話數也二者於合

金月四月月日

欠三日 きんか 御覧線史訴義 納之盈虛而不置閏則時且不定歲且不成 何以 生民之道於是乎在故春秋於文公閏月不告月 民服其事於野則主乎是烏耳矣周禮閏月王居 則以節候寒暑之至則以氣百官修其政於朝庶 則書之明非禮也胡傳曰占天時則以星授民事 示信於民使之及時而趨事乎閏之有關於天時 而置閏此不易之定法也若夫天與日月之行氣 人事如此左傳曰閏以正時時以作事事以厚生

金分四月百書 事如堯典所云作訛成易以之信治百官則既定 昊天敬授人時凡為君者以欽若為心以敬授為 門中蓋告朔之禮天子居宗廟閏月居門中文公 然眾功畢舉而成熙矣嘗讀幽風七月之篇自 之可見居門之典廢如奉天授事何書稱堯欽若 以閏月為附月之餘而不行告朔之禮故春秋書 之時順時令以趨事既成之歲順歲功以告成自 之日二之日以至九月肅霜十月滌場其間流

宜不論閏在何月皆有每月之政可舉而行之也 於月雖有閏而時則不易惟依四時之令序舉月 衣食計而預策其萬全也又以見其長幼夫婦老 恤孤及與公卿大夫共飭國典時令以待來歲之 授衣于耜舉趾計一歲四時十二月無非為小民 令之事宜如行慶施惠聘士禮賢勞農勘民賞事 少上下皆有皇皇服事一息不敢自安之意馬至 玉藻載聽朔於每門之外閏月則闔左扉立於其

とこり えん一四、 御覧祖史請義

金分四庫全書 **照于四方凡以勤民也是以上無日不勤邱其下** 中蓋月閏於春夏則闔青陽明堂之左扉月閏於 秋冬則闔總章元堂之左扉而必於南門者繼明 **幾先後有同揆也數** 以時交做喜起以時賡遇其於欽若敬授之旨無 下無日不勤服其事将豳風可載詠矣若夫臣隣

ここう言 三 御覧短史游義 以閏月定四時成歲 書經 熙庶績也蓋大撓初定而葮管飛灰以十二律定 命羲和以置閏之法有曰以閏月定四時成歲夫 其期此歲功所由成萬化因是而彰也學務帝 十二月之候寒暑往來不愆其序作訛成易各循 臣謹按自古帝王未有不敬授人時以登百工而 監察御史臣歐堪善

多次四月 有電 復相會於初起之度則天運一週而為一春暮之 每歲三百六十日者一歲之常數也顧天行至健 以一歲三百六十日常數較之又少五日有零是 月與日會每月之際不足三十日止二十九日半 數較之一歲之常數多五日有奇是為氣盈若夫 週而比天退一度積三百六十五日有奇天與日 為朔虚合氣盈朔虚計之每歲多十日餘至三歲 日遠地一週視日為過一度日之行亦遠地 7


時而成歲功乎故必以餘日置為閏月三歲一閏 **勞農勸民秋則選士厲兵冬則飲蜡報賽順月令** 子當陽乗乾體坤出震繼離春則布德和令夏則 然後春夏秋冬四時之節候不差而處功以成此 乎朞之日朞之餘日又積為歲之餘月何以定 四 多三十餘日使不置閏以歸其餘則處之日不盡 古令置閏之法而釐定四時之大要也若乃聖天 五歲再閏十有九歲七閏使盈虚消息氣朔分齊

とNE 习量 AILE习 ■ 御覧經史請我

金分口后白雪 道順於上則四序以正八風以平分至啟閉錄季 是繪無逸於松軒圖豳風於紫殿朝乾夕惕時凛 時補救所謂裁成其有餘輔相其不足者此也由 者此也雨陽或至愆期旱澇不無致警聖人則因 無咨聖人則因時制宜所謂仁為春溫義為秋肅 欽若昊天之心旰食宵衣不忘撫辰凝績之意天 不爽適符乎 之經布四時之政陽不愆而陰不伏暑無怨而寒 関再閏之期人事周於下則體元

之所掌而已哉 風動之休舉積諸此矣豈惟是馮相之所司保章 在君心調元數萬化剛柔喜怒張弛咸宜不爽乎 二氣五行之度如此則太和翔洽民康物阜時雅

「CEDE ASTO 御覧經史講義



大三日日 AFT 柳覧經史請義 輯五瑞既月乃日覲四岳羣牧班瑞于羣后 書經 輯五瑞徵五等之諸侯也既見之後審知非偽 朝天子以刻處冒其主頭有不同者則辨其偽也 頭斜銳其冒下斜刻小大長短廣狹如之諸侯來 **冒以德覆冒天下也諸侯始受命天子錫以圭圭** 集傳曰周禮天子報冒以朝諸侯鄭註云名玉以 修撰臣金甡 主

金分口屋台書 應有此制度之理然後斷以本書前後可自相印 事不合請先列執冒諸說參錯之處因推唐虞不 證之文周禮大宗伯作六瑞王執鎮主典瑞王晉 之文唯考工記玉人乃云天子執冒四寸以朝諸 大圭執鎮圭小行人成六瑞王用瑱圭並無執冒 臣 侯蓋即周書上宗奉同瑁之瑁周制有之其始自 領選其瑞也 謹按集傳引周禮註自是後世制度於唐虞時

とこうことろう 一回 御覧経史請義 並云子男執壁不云執主當以執壁為是璧與主 等也此瑁唯旨去不旨壁夫士之長短具見於大 行人與玉人若其廣狹之度則禮記雜記曰主公 **唐虞未可知也玉人疏曰瑁方四寸邪刻之浚儀 冒之至子男亦云執主似亦可同用一瑁顧他書** 右各寸半蓋長短異而廣狹同故王氏謂以一瑁 九寸侯伯七寸子男五寸博三寸厚半寸別上左 王氏曰以一瑁冒天下之圭則公侯伯之圭閣俠 小四

金分四月子書 於上宗奉同瑁乃直云邪刻之以冒諸侯之主璧 壁至於冒壁之制略無考證是圭有冒而壁無冒 知鄭註所云不可以旨璧故謂此瑁惟冒圭不冒 似 之然斜刻之外無他說令書傳圖指下作偃月形 異制主長而壁園欲為之旨勢不得以斜刻者合 也豈執主者必須按驗執璧者無待稽覈耶集傳 說尤欠分曉蓋瑁之出於周制者至漢已不得 可冒壁反不可以冒主與斜刻之說不合王氏 卷九


大上日日 Actual M 御覧經史講義 尤事之所必無也即後世巧詐百出亦祗假符篆 器聊廣作用之固無此理如謂争奪竊據事不上 符篆之為者如謂受命於天子而忽馬毀失其守 當時風氣其善惡者見者非大神聖即大凶頑其 未可據也且夫堯舜之世亦安有設此制度者哉 聞其人不負固而入朝乃以偽作之主璧取敗此 餘類皆敦龐純樸本當有機巧詐偽若後世私刻 其詳解經者乃等而上之以證唐虞之事其說固 九

金发口屋 璧以辨真偽則不特事有所不必而於理更有所 在天子洞鑒中若待其來朝而始辨其真偽非所 事固宜有節信以相稽考至諸侯朝見亦必驗主 不當有之事始朝則必驗之屢朝則必屢驗之 不可夫諸侯之恭順與否職事之修舉與否應蚤 敢於朝謁以圖徽倖者乎聖人立法以防患於諸 以暫售其奸寧有久假不歸儼然蒞官治事甚至 以示諸侯明也諸侯來朝正宜推誠禮接乃疑所 Transport of the second

次足四軍全十三 一 你覧經史請義 固禮節出入之常其輯也非為呈驗而進之其班 善而謂堯舜之世必出於此乎然則書之本意如 防非所以為天下後世法也此於周制亦未為盡 相待實用之固不足以禁制名存之亦徒顯其猜 所以示諸侯信也彼不籍此以作奸我先逆詐以 日己聘而還主璋盖來朝則斂之朝畢則還之此 玉為贄也班瑞于羣后者禮受幣不受玉故聘義 何曰此五瑞即下文五玉輯五瑞者即下文以五

金灰口人 虚其中是即旨之義也但應如鄭註覆冒天下之 望秩于山川亦與上節類於上帝望于山川同也 說不必謂專以旨主主銳上以仰承瑁訟下以你 之義殊非聖人心事尤與唐虞時事不類是不可 紬繹本文其義自顯集傳乃引執冒之制疏辨偽 此言朝京師而用主壁文異而禮無異即下文柴 也非為驗單而給之也下文言朝方岳而用主璧 以不辨然則周固有冒其義如何曰刻其下端而

といりをという				哉	納主臣之
1					義
御覽經史講義					納主臣之義已具於此又何必取其船合以為用
			, '		何小
+					取其腔
ナと					台以為
					用



大三四五人世司 柳光經史端我 敷奏以言明試以功車服以庸 書經 臣謹按古者帝王治天下将舉天下而使之皆安 善則亦有以告飭之也 從而明考其功有功則賜車服以旌異之其言不 程子本義曰使人各陳其為治之説言之善者則 蔡沈曰敷陳奏進也周禮曰民功曰庸 編修臣何其睿

金月口乃人門下 物而奏平於是欲得其人而用之盡當其才而無 卿士之是資外而方州羣后之是籍左右卿士所 方至矣蓋天下至大天子不能自為也內而左右 服以榮之視其功能以界之馭吏之權備策厲之 於是制百司之官定大小之職而又為之異其車 政無不與而民無不人則必任賢者而與之其之 有所失此誠未易言者而要其所操之術有三曰 以佐王者宣職而布業方州羣后所以代人主理

於定四軍全書 · 你觉經史謝我 之法之分嚴也且夫既已取之則誠将為可信而 賢能者将無所遺而不能者殆無自而進此取之 審矣更為察其言之果善與否而後短長益以定 亦安能無所據而知之惟觀其言而後能否有可 矣吾即其言以取其賢且能者而去其不能者則 凡人之賢不肖其初未能辨也雖聰明神聖之主 有所大服而其奮而已矣所謂取之之道者何也 有所以取之有所以任之有所以鼓舞激勸之使 十九

職事以命之又為之丁寧以告戒之又為之限年 聖人知其弊之必至乎此而患之不可不防故於 責成而效無所實聚則雖言取之而人皆将節言 以課之立法度以考之雖予之官而誠未欲遽處 其所以取之者常寬而所以用之者尤至慎示其 遂以用之雖然信之太銳而委之遽專事不期於 之也試之以所守以觀其亷試之於所利以觀其 以相欺更以官予之而安保其治官之無驗古者

ここり日 からり 一一御覧經史請義 之榮賢不肯混淆而無以自别則天下方将不以 之世萬無簡賢亲能之事而但使爵命之重章服 倦其不有者甘自引伏而不敢前徼倖肓進之思 身帝王所操以待天下使天下之賢者鼓舞而不 誠能矣誠賢矣則舉之不嫌過驟而任之可以終 久試之民以觀其仁試之績以觀其備然後知其 正試之於所難以觀其通試之於所不樂以觀其 者無他惟取舍當功咎昭與賞罰正而已夫聖王 主

金分四月子書 為貴而後無所勸惟取其賢且能者授之官而尤 之所以至善而不可易也 與器然則何功之勿與何治之勿致此唐虞之 必考而核之使有其實者乃得居其位而章其物

次已四五人四事 一 柳電經火訴義 教奏以言明試以功車服以庸 書經 吏夫察之則必思有以考之考之而得其名與實 言不善則亦有以告飭之也 臣謹按帝王之治天下也莫要於安民莫急於察 者則從而明考其功有功則賜車服以旌異之 程子曰敷奏以言者使各陳其為治之說言之善 編修臣王居正 主

金以上上人 罰出自一人而四方羣后舉帖然奉守其政令而 羣后四岳考羣牧而天子 坐明堂以聽之慶賞點 舜有天下恐守之後繼以述職躬桓蒲穀輯五瑞 祥愷悌之循良而吏治民風乃日臻於淳古昔者 為民也則将循乎其名以既乎其實舉相勉於慈 爾臣工咸曉然知聖天子所加意而作與者凡以 之真矣然後無防之典行而勸懲之法立使夫百 而來朝東西朔南周四年而報政當是時羣牧考


舜是以有敷奏之典聽其已行之政事審夫民功 我兆姓而悉其疾苦同其好惡者岳牧羣后也茍 **睿慮則上下之情遂隔而不通夫承天子命以撫** 為是以聳動人心粉節太平而已哉民生之苦樂 莫之敢有異議猗歟盛哉典綦隆己雖然舜豈徒 之修廢而其言之善者則又察其功之及於民也 非使之盡其言而陳之何以考厥職而達下隐乎 不齊風俗之淳澆各殊四方情形的一日不周於 · 1.1. 卸節經史游茂

欽定匹庫全書 孰小孰大孰虚孰實孰行之於目前而驟效孰要 易民而治帝王不易法而理今之督撫州縣亦猶 吏治澄清其斯以為有處之治乎竊以為古今不 察之虚心終之以點幽陟明之實政考課有法而 不敢緩也無或各也亦無或僭也始之以好問好 實而法立知勸蓋至是而車服之旌不敢濫也亦 續考之者不厭其詳而得人乃真數之者務窮其 之以久遠而後成不貴空言無補而必求言底可

人二一司到 八八丁 一 御覧經史講義 旋甚似才能有餘司道多喜為稱讚督撫耳熟先 察之也較難於此而振綱提要則督撫表率之道 於迎合巧佞之吏不能實心教養而善應對工問 直也而務安静者或過於姑息任意見者更或誤 不得不講矣且夫為督撫者亦非敢徇請託通艺 政簡而俗樸其察之也尚易後世事繁而情變其 亦猶是古之三載考績敷奏明試之典也乃上古 是古之岳牧羣侯也其三年大計八法卓異之條

金分四月至書 得民心否耶從民起見則褒之薦之不以悃倡無 之入吾耳者有與有草而觀其措置所本果能深 有禀而察其注意所在果能曲體民瘼否耶其事 要當以是為權衡馬是故其言之至吾前者有詳 循吏之本而皆撫之所以定其賢否差其高下者 矣如是而舉錯之間能無誤乎然則察吏之要其 何道而可詩云豈弟君子民之父母可知爱民為 入之言一見巧佞者之應對周旋遂以為真能員


钦定四庫全書 明 柳照經史講義 可喜而與其才且也城府不設於胸如水之清如 鑑之空而揣摩迎合之漸無自而前愛憎不假以 文而海其人不從民起見則筋之劾之不以小善 私如衡之平如失之直而登薦彈劾之舉悉協於 公審如是也庶幾賞罰合宜而吏治以清守令得 人而民事以理唐虞之治不可復見於今日哉 武



飲定四車全書回 柳覧程史構美 敷奏以言明試以功 寰區其間耳目不常接聲靈不常親即有邁等之 難此其事非行奏試之典不可蓋五服羣后散處 書經 勲殊尤之治而下不得達上不及聞将何以勵 使天下之言與事無不昭灼於上而後布理而無 臣謹按聖王之治天下也必有以攝天下之分職 編修臣李友常 立

金グモノイニュ 中下有不一山川之封濬九州之沿草布在羣后 簡風淳無籍於書契之煩文告之命未當考言何 所事於述職未當詢事何所事於功載至於有處 五載巡守之日為兢兢也上古之世結繩而治政 材而成政理乎此敷奏以言明試以功虞廷必於 者其言亦至蹟耳於此而置之則其言未免過輕 於明察侯甸采衛之遠近有不齊田地貢賦之上 以天則當其中以際則逢其盛以百官萬民則極

いこうし シュリー 御覧經史講義 其難其慎惟和惟一舜之課績正以是耳不然四 不如實聞不如見人材非此不勵政理非此不成 文武而必事委曲煩重之數哉凡以散不如統虚 與詢事兼施明目與達聰並用豈以天子之聖神 之餘工虞水火易之地而見其殊才歲月日時需 其所長而試之更端之際因其已效而試之再事 於此而驟進之似其言過重而不得以既其實即 以年而知其異等至是而所言之功可見矣考言 **弁**次




ここうえ シニラ 一 御覧經史講義 欽哉欽哉 惟刑之恤哉 書經 於慘刻二者刑之所由不得其平也故必主之以 陳雅言曰不欽則或失之於怠慢不恤則或失之 續乃於恤之恤耳 大率是說刑者民之司命不可不謹如斷者不可 朱子曰欽哉欽哉惟刑之恤夫豈一於輕而已哉 監察御史臣廖必琦 テキ

多定四月全書 欽而加之以恤此傳所謂欽恤之心未始不行乎 則刑期無刑之謂也至若刑之不可己乃不得己 不至於尚免人将遷善遠罪日趙於君子之域此 則聖人立法制刑之心大略可想矣聖人原人情 最宜憂念憂念此刑恐有濫失欲使得中也據此 臣 其間者也 /輕重然後用其常刑使君子不陷於非辜小人 謹按王樵引孔疏云敬之敬之惟此刑罰之事

人二一日日 八十一 一 御覧經史講我 患非獨在不明也而在於過用其明又非徒在不 乎其間此可以見聖人好生之心矣從來用刑之 條於青災肆赦之餘不廢怙終賊刑之典其從重 重取舎陽舒陰慘之不同然欽恤之意未始不行 由輕即重者法外之意的然權衡之不爽雖其輕 從輕者法中之法井然條理之各殊其由重即輕 **冒至此也故於象刑流宥之外又有鞭扑贖罪之** 而用之雖已得其情而猶必於其不教無知而抵 子八

金分口眉 白雪 哀於之情已非長厚之道慎刑者於此情偽非不 中又恐其或有不中百年刑措之風即基於得情 已寓於明改刑書之間輕重非不適當而既得其 **畢知而知其既然又傷其所以然一念慈祥之隐** 為是非早定遂確乎不移此即片言可折而絕無 為情好莫逃轍翹然其自喜此即所施皆當而毫 斷也而在於過執其斷何則於察察之智者自以 無憐惜之意已傷天地之和持碰碰之見者自以

ここうこ ハニー 一 御覧理史講義 或遑矧刑獄尤民命所關奚忍稍鄰於奇細楊時 國典攸係何敢少即於忽缺如傷壓念亦無日而 欽恤者近是長國家者得其意而行之則罔干予 為他有司以執法為公則刑不濫矣總之不離乎 之者天子之徳而刑之者有司之公天子以好生 之三公以獄之成告於王王三宥然後致刑夫宥 有云古者司寇以獄之成告於王王命三公參聽 勿喜之念蓋敬畏中存原無在而不惕况聽斷乃 六九



ここり員 ALET → 御覧經史講義 詢于四岳闢四門明四目達四聰 書經 四目達四聰有以天下為一身之精神馬 陳師凱曰闢四門有以天下為一家之氣象馬明 下之壅閉 方之門以來天下之賢俊廣四方之視聽以次天 蔡沈曰舜既告廟即位乃謀治於四岳之官開四 監察御史臣那一桂 辛

多分四月石量 措天下於磐石所謂惟天聰明惟聖時憲惟臣欽 曲折病療一體呼吸相通然後可以與利除弊而 猶多故必廣開言路大闢賢關使吏治民情周知 之聰明則所及有限即倚一二人為耳目恐偏狗 下之耳為耳方能洞悉民情昭察吏治若恃一己 視聽為視聽為君者亦當以天下之目為目以天 臣謹按人君代天理化當法天之聰明天以民之 若惟民從义也考舜之登庸也起於田間其歷試

次足四華 全等 一 柳覧經史構成 也慎典宅揆賓門納麓攝位以後肇州封山巡方 朝無面從之人乎則明者或轉而不明聰者或轉 數人安保昏墊方平民無阻饑之嘆乎四凶雖珍 躬理贊襄穆處深宫端居黼座所接者無過岳牧 夫可以周知民隐又不若二十八年之相業可以 即位之初猶兢兢以明目達聽為務豈不以一登 觀岳大綱小紀靡不畢舉豈尚有敬其聰明者而 九五則君門萬里居高聽甲既不若三十載之耕 주 __

金与口人 而不聰勢使然也詢岳者非專任岳也欲四岳廣 日深頌諛者多箴規者少塗飾容隐以為無事前 亦能革弊除好虚懷博訪久之則見聞日遠錮散 先務也後代守成之君長於青宫者多當其初政 亦不外此此舜之所以兢兢於即位之初為第 事商之岳耳而視聽既周則賢好立辨闢門之要 明以上助天子特不能人人而詔之故以達明之 其視聽以及於庶司百職而庶司百職各竭其聰

大己日年八三司 即題經史講義 皇上惠懷萬姓明作百寮一德永終萬幾無逸固未當 皆然史書可考也我 蹈此而內外臣鄰有能如虞廷岳牧効明目達聰 之用者乎臣實望之臣實勉之 而厭之矣驕縱之念一開則禍亂之機潛伏歷代 之所斥者後或引而進之矣昔之所求者令或聞 至

金岁巴匠台書 卷九

仁己可目 △日日司 一一 御覧經史講義 冶十有二牧日食哉惟時 書經 務者也當處之時生民之患劇矣司空未命誰平 臣謹按自古帝王之治天下未有不以養民為首 不違農時也 以食為首農事以時為先舜言足食之道唯在於 蔡沈曰牧養民之官十二牧十二州之牧也王政 編修臣于振

金好 区屋 白書 考禮月今所陳與詩豳風所載於農事為最周而 事相邱陵原隰土地所宜五穀所殖以教導民即 於民時尤倍悉月令之篇曰孟春之月王命布農 不强民而化其事備於尚書而其詳見於詩禮當 不以此為首務者也且夫二帝不易民而治三王 日食哉惟時以此知民事之重而自古帝王未有 闢門詢岳之初一切不遑獨先進十二牧而咨之 水土垂益未命誰作虞工伯變未命誰典禮樂而

農勘民母或失時仲夏則用盛樂祈穀實農乃登 柔桑之候也至於孟夏則母起土工母發大衆勞 秋而登穀仲秋而收斂季秋而入室與豳風所陳 **黍季夏則不與土功不起大衆以妨神農之事孟** 桑即詩所云春日載陽有鳴倉庚女執懿筐爰求 者也季春之月母伐桑柘鳴鳩拂其羽戴勝降于 母作大事以妨農之事即豳風所謂四之日舉趾 豳風所謂三之日于耜者也仲春之月耕者少舍

欠巨**马事人已与 ~ 御覧經史講義**


平四

金次四人人口 政仰司星辰以審其時俯察水泉以盡其利躬為 盈矣季冬之月可以終歲之勞博一日之逸矣又 **殺八月斷壺九月叔直雖物土異宜其於不奪農** 勸導以重其事祈年報社以旌其功設農司以監 四月秀葽五月鳴蜩六月食鬱及糞七月烹葵及 始播百穀何以異哉為民牧者誠能以實心行實 必曰專而農民少有所使此與豳風亟其乘屋其 一也至於孟冬之月蓋藏富矣仲冬之月積聚

とこの日 ところ 御覧經史講義 至喜所以有如決如梁千倉萬箱之慶也臣工之 南田之詩曰曾孫來止以其婦子隨彼南畝田畯 食田豕也盛朝之舉動無事不關乎民類如此也 時為大八蜡之祭迎貓為其食田尾也迎虎為其 矣由是言之治民之事固非一端而爱民之仁惟 怒而加罰野積瑜冬奪者母罪場功過限竊者免 之置田暖以董之黍稷茂則喜而加賞田不聖則 刑則室無懸耜國無情民而多黍多称降福孔偕 孟

銀灯 四月 有電 方略好為民與利務在富之此數臣者皆講求於 牧民之道而以民食為兢兢者也臣故因釋經之 務明桑節用殖財種樹蓄養米鹽靡密初若瑣碎 時裁濶狹與民相假貸黄霸以賢良高第為潁川 漢兒寬為左內史勸農桑開河渠廣水利收租稅 而覇精力能推行之名信臣為南陽太守勤力有 頌曰嗟嗟保介唯暮之春序乃錢鎮奄觀鈺艾所 以有明昭上帝迄用康年之賜也後之牧民者如

The second second			 	
the Jarian Arthin 180/				次而
Also M				次而類及之
御覧經史講義				
无中心				



大三丁三 ANT 御覧經史講義 谷十有二牧曰食哉惟時 居先而虞廷谷牧亦必首言食也夫食之所出視 書經 臣謹按民惟邦本而食為民天此洪範八政以食 年之上下而為之備視地之豐歉而為之通周知 民之貧弱孤寡而為之恤不使民食之後時也 金履祥日每州以一諸侯之長專任牧民之事視 編修臣林令旭 茎

我分口眉在書 詳也故其時之民莫不震動恪恭於農母敢失時 乎地力而食之所成因乎天時其耕作之功在民 之後與之情於農者則有屋粟之罰以警之法至 用以救其災合耦以助其乏勤於農者則於三歲 稼政辨其種類趣其耕耨行其秩 殺稽其功事移 官大司徒所掌自遂師以及里宰莫不簡稼器修 勿奪其時而已必且有以時董率之道馬當考周 而其勸相之方則在上故長民者非特徵發與作

こう・ノーノンシュー 一 御覧經史講義 當有土會之法辨五地之物生以合其宜而布其 得其道也然而天下之大其雨赐寒燠之候萬有 耕九餘三家給人足良由上之人所以董率之者 其地習於其俗明於其利達於其患然後能相時 利此寧可以臆定者哉必視乎為民司牧者久於 不齊而况廣谷大川異制民生其間者異俗則又 州牧矣蓋州牧者府縣之表率也誠使直省大吏 之緩急而用之酌盈劑虚因勢利導此其任端在 子八

多定匹庫全書 實能以易田疇足倉原為本務而誠心求之弗執 偏見誠心行之弗務虚名則由省而達於府由府 通之亦復何慮平夫安民之本在平重農而足食 歲有凶侵而積儲既豫撫字自優如富弼之於青 州趙抃之於越州其成蹟具在做其意而以時變 川之治龔遂渤海之化何難復見即或天災流行 而達於縣自無不承望風肯悉心籌畫如黃霸顏 之方存乎州牧以故播時百穀帝當以命后稷而

大三日見るず 牧之意也夫 之間力田勸農之詔屢以責二干石其即虞廷谷 足非州牧無由也三代以下漢治最為近古文景 食哉惟時一語必首咨十二次誠見欲致民食之 ~ 御覧 但史訴義 三九

		**	金以口及石里
			卷九

ここりこここ 国 御覧經史講義 谷十有二牧日食哉惟時 臣謹按帝王愛民如子無一時或去諸懷故有他 陳大猷曰舜初攝位則覲岳牧初即位復詢岳谷 牧蓋內外之要職莫先馬 書經 道惟在於不違農時也 蔡沈曰王政以食為首農事以時為先言足食之 編修臣徐景惠 中上

多 反 匹库 全書 事之本務在馬治國家者必先以此底蒸民之生 然後展布其所欲為而紀綱法度粲然昭著凡政 端發始注想勤勤直若病震切於乃身而不禁其 術之領刑教之設工器之資神人之格禮樂之與 本圖蓋爱養百姓子惠元元之至意早繁結於宵 務未逞畢舉而挈其大綱總其要領首以牧民為 矢口即及馬今夫食生人之大命繋馬今夫時農 旰之間故即盈庭在列将共策以職業之修而引

しこうし こう 一丁 御覧経史講義 養民之道至無窮矣三時不失其務三農各肆其 緩急而政在養民勞心治人者為尤切也且所謂 之通知民之貧困狐寡者而為之恤凡所謂民食 力又必視年之上下而為之備視地之豐耗而為 食農時為鱼區於以見操天下之源流相治功之 俱恪恭殿陛俟乎綸綍之頒而帝命所宣乃以民 日禹日契日稷日舉陶日垂日益日伯夷日變龍 俱得次第以觀其成當日者師師濟濟拜手題言

多分四月全書 之咨或史臣編載之文因其序耳不知命伯禹命 攸司如下章所命九官孰非致治之大者而民牧 曰當日文明黼黻緯地經天以及水火工虞各有 與舉世之豐音盈虚相為調劑則廟堂之上焦思 至災告偶見後時之區畫更勤本一人精神心力 非僅不違農時盡之也水旱未形先時之綢繆必 計者至周至詳故憂勤惕厲不獨於農時見之并 極慮不敢視為泛圖又豈敢置為後務哉顧說者

大足四年 在一一 御覧經史講義 所掌無非順時以襄天治而百揆為代天之職教 谷而命者也命變命龍因人之讓不谷而命者也 為佐天之令刑為宣天之威禮樂為同天地之節 可以且夕緩哉抑所謂時者天之時也則凡九官 語誠不遑豈非實有見於民為邦本食為民天非 於十有二牧慎重以各且即繼於詢四岳之後而 命稷契皐陶弟因其舊職亦不咨而申命者也獨 伯夷咨四岳而命者也命垂命益順分職之次處

野二

金人口居人 和要真切於六府之修乃所謂因天以治民則谷 牧為先誠大聖人奠安民生萬年有道之計與

寬 帝曰契百姓不親五品不遜汝作司徒敬數五教在 所不免聖帝明王知正人心厚風俗之本專賴乎 臣謹按秉雞之良雖人所同具而習染之污亦時 者和其心以待之不可亟也 馬明衛日敬敷者端其本以先之不敢尚也在寬 書經 右中允臣官保 里

金石口屋台書 之良法也敬者端己正人之謂也修實行而數實 乎此况五教出於天命之本然人心之不容已因 則漸摩久而頑鈍悉化夫子循循善誘之妙亦得 本於此寬者循序漸進之謂也日有就而月有将 理則觀感深而轉移自速夫子修已以敬之言亦 則急迫者必有難成之勢敬寬之命實干古教民 不得其人則輕忽者易起慢視之心教不得其法 教是以敷教之官必慎選而教民之道必詳明官


たこりをいるう 寬之訓聖人之愛民如此時雜風動不亦宜乎 舜之心猶恐有不親不遜者命官敷教復示以敬 遜者乎舜承堯之後萬邦協和矣司徒得人矣而 不容已優游闡明之以盡其推行民馬有不親不 天命之本然敬謹施行之以致其察識因人心之 一 御覧經史講義 野四

大二丁之 八上一 御覧經史請義 敬敷五教在寬 書經 出於人心之本然非有强而後能者自其拘於氣 大者故特以敬言之寬裕以待之也蓋五者之理 敬其事也聖賢之於事雖無所不敬而此又事之 有序朋友有信以五者當然之理而為教令也敬 朱子曰五教父子有親君臣有義夫婦有别長幼 編修臣孫人龍

金分口庫全書 宣則詳為闡明布則力為頒行敷字內兼此二義 皆有以盡其道是以聖人命官掌教必宣而布之 愛不相遊順者於是申命司徒敬以敷教而又寬 質之偏弱於物欲之蔽始有昧於其理而不相親 為教者不過人倫而已蓋人莫不有是倫而不能 真自然呈露不能自己矣 裕以待之使之優柔浸漬以漸而入則其天性之 臣謹按先儒謂此實萬世教民所自始而其所以 卷九 てこりまという 関 面覧経史訴義 之直之輔之翼之使自得之又從而振德之之旨 濟事則並行是即孟子所引放熟言勞之來之匡 容更不患其失於迫切史臣稱帝舜慎微五典慎 嚴肅既不患其失於縱宛寬以施諸人則涵泳從 立教之本則必在於敬與寬敬以持夫已則整齊 秋然有義以相維是乃該教之至意也然其所以 **俾天下之人皆能親愛遜順而藹然有恩以相浹** 固有敬之意馬徽亦有寬之意馬敬與寬理則互 17

金牙口屋台書 掌邦教數五典擾兆民所謂擾者在因其本然之 而為干萬世掌教者所不能易也周官亦言司徒 不平之氣融化其不順之情勿求效於淺近之功 有以致其察識亦順其性所不容己而有以盡其 如是故凡人之有是倫者悉因其心所不容昧而 母徒恃乎督責之力咸馴致於親遜成風而後己 理以著為當然之則使天下是法是做而調攝其 此成周所云擾猶之有處所云寬固無二道也惟

たこりえんだり **洽之盛治矣** 道德齊禮之中而百姓親五品遜 御覧經史講義



次定四年全事 國 仰覧經史講義 敬敷五教在寬 之從容浸漬皆知有人道之樂而凌競澆滴之習 書經 與不容已者而别為教也人倫日用切而示之使 以不容已之情聖人承天以治民非能離其本然 臣謹按天之愛民人也甚矣懼其相生相長而無 以自别於羣物也於是賦之以本然之理而聯之 編修臣張九鎰

繼且力勝則相角知勝則相戕善敗迷質詐偽交 欲蔽而外累實錮性之端始猶血氣心知之未漓 事於君臣父子長幼夫婦朋友之倫而莫曉然於 溺於物欲之蔽者然也氣偏而發常多任情之失 親義序別信之故豈盡無良則拘於氣質之偏而 而為厚也此其轉移之機在上而不在民矣民日 因物有遷厚者之可遷而為薄亦知薄者之可遷 漸消夫是故教化行而風俗美馬今夫惟民生厚 たいり見 ハナラ 同 御覧經史講義 明七教以與民徳齊八政以防淫雖就五者推廣 教則尤其所切要者記曰司徒修六禮以節民性 真且切夫敬之一言固無時無事而不當存而立 化陽防之不能止也帝王知防之必周而教之必 萌甘為蕩檢瑜閉之舉而習為頑鈍無恥之行是 振德之之意數臣聞民猶水也水性趨下不以教 固大君所日夕深憂也故舜命契之敷五教日敬 曰在寬其即放勲之勞來匡直輔翼自得又從 而 型儿

金分口屋在書 桑之使民之從教也欣欣 馬如渴之欲飲飯之欲 氣樂寬正所以善其德教之用也漸之摩之優而 之機械非避事以求安即肯馳而不顧是所謂却 責則民日習馬而覺其煩苦仁義禮樂視為東身 食也其違教也凛凛馬如員鍼芒而蹈於棘也薰 行以求前也賈誼曰道之以德教者德教洽而民 夫教民者又豈法制禁令惟是苛責之無己哉哉 之而數陳往復其大肯已統於此抑何其重也且

陶格被民日遷善遠罪而不自知而本然之理與 且備也臣當觀國之本在民民之善惡在風俗教 不容己之情皆時時呈露於不可過吁抑何其醇 而非徒視為具文也則幾矣 和是誠在良有司本敬之心行寬之術朝夕宣化 而大君方釋其憂一轉移間而熙然藹然其樂 化者風俗之原也教行則民生日遷於厚民生厚

てこりる とそう

御覽經史講義

平

多方四月至重 卷九


大三日五 白雪 两處經史請我 夙夜惟寅直哉惟清 敬以直內不使少有私曲則其心潔清而無物欲 書經 王樵曰人心之直者其正也而敬則直不敬則邪 之污可以交於神明矣 蔡沈曰夙早寅敬畏也直者心無私曲之謂人能 人心之體清者其常也而直則清不直則雜匪直 給事中臣邵錦素 五十二

金グロカノニ 冥漢矣然臣謂主敬之功果能客而又客不獨可 湛然虚明自無物欲而德合神明可主祀典以通 也盖敬者聖學之所以成始而成終人能收飲此 臣謹按此虞帝命伯夷典禮而以敬為事神之本 親當不顯亦臨常如對越之敬 而清事神則難矣故夙夜之間無曰不顯莫子云 以典三禮而干古人臣事君之則有不外乎此者 心使不放失則其心自無私曲既無私曲則其心

てこりえ ハニラ 日 御覧経史訴義 乎敬以漸違乎直則欲亂於中利交於外有言清 本無不直者唯心不存乎敬則始而縱佚漸而邪 行濁而自營其私者矣唯合夙夜而常存寅畏之 曲有浮游回感而不獻其誠者矣而清者人心本 之道以直方大為徳人得天地之理以為生其心 如太虚之不著一點其心本無不清者唯心不存 明之體如止水之不受泥滓如明鏡之不家縫翳 今夫直者人之所 以為生乾之道以動直為德坤 五二

多好四庫 全書 文言曰敬以直内唐孔氏疏云内謂心也用此敬 禮所謂無不敬者此也夫無不敬則無不直坤之 前聞且夫敬而能直有不期其清而自清者也存 毫委曲也既以心存寅畏而猶即於邪曲者未之 懼 以直乎内心也朱子曰直者直上直下胸中無纖 心時無動静事無大小遇無常變而一以戒慎恐 将之屋漏之地如接神明夢寐之中亦形齊肅 者無制防之偶陳自接諸外者無物欲之

人王口自 Alter 一种覧經史講義 夜匪懈以事一人敬君之謂也人臣敬以事君則 嚴馬所以交神之道實本乎此然臣謂不獨可以 盡然後可以事神明故夙夜之間防降通馬對越 益夙夜者所以與神明相交者也禮記有曰致齊 典三禮即千古事君之則莫有外於此者詩曰夙 於內散齊於外齊三日乃見其所為齊者又曰敬 非居敬直内之至也哉而要必期於夙夜者何也 引寧靜專一之中志氣清明不以利欲累其心豈




た」山口百人一年 御覧經史請義 夙夜惟寅直哉惟清 書經 道盡於此即心學之要亦盡於此矣夫清者心體 臣謹按夙夜惟寅直哉惟清二句不但交神明之 之污可以交於神明矣 敬以直內不使少有私曲則其心潔清而無物欲 蔡沈曰夙早寅敬畏也直者心無私曲之謂人能 監察御史臣齊軾 五古

多分四周全書 宗先之以寅也寅也者敬也孟子曰平旦之氣平 所以不清者由於不直心多私曲故也人心所以 也澄澈無際清若太虚清則無私與天地合德清 無時不敬也君子敬以直内直則清明在躬志氣 旦者寅也人能夙夜之間常若平旦則無時不寅 不直者由於不寅心多怠緩故也所以帝舜告秩 則有分辨與鬼神合吉內則清之為義大矣人 則無蔽與日月合明清則有節制與四時合序清 ど

宗以發之矣 夫帝舜無時而不交於神明故心學之要因命秩 如神而心體其純全矣如是始可以交於神明也

欠己习事上日言 ── 柳覧經史講義

五五




欠已日年六十一四 御覧經史訴義 帝曰變命汝典樂教胄子直而温寬而栗剛而無虐 無相奪倫神人以和 簡而無傲詩言志歌永言聲依永律和聲八音克諧 節者和也古帝王寓政教於聲樂之中以之感天 書經 地則陽而不散陰而不客以之感人心則剛氣不 臣謹按樂者和也性之未發者中也發為情而中 檢討臣德保 李六

金岁口屋台書 責者也其情欲不能無紛華靡麗之擾氣質不能 文之盛以為樂之教也養德行育人材事神祇格 簡者教之使不可傲是以樂為戒禁之教也於是 於寬是以樂為輔翼之教也剛者教之使不可虐 教直者教之温而不偏於直寬者教之栗而不偏 無萬明沉潛之別故反情以和其志廣樂以成其 上下樂之功效大矣哉夫胄子者有天下國家之 怒柔氣不憐益建中和之極以為樂之原也備情 叁九

とこりる なり 一 御覧經史訴義 而薦之郊廟斯神無不和由是而奏之朝廷斯人 律三分損益隔八相生所謂律和聲也在天則有 為聲高下疾徐所謂聲依永也協於聲者必調於 詩由詩而為歌長短節奏所以永其言也由歌而 **胃子之德悉底於中和矣第樂音之起必生於心** 小大相成終始相生倡和清濁选相為經也由是 人心之動必形於言具於性而為德發於志而為 、風在樂則有八音八音克諧無相奪倫者所謂 五七

新近四月全書 是聖人之樂固非一日之積也豈獨教胄子而用 為大馬自古帝王修身而後作樂樂者奮至德之 無不和則樂行而倫清以著夫天人交感之麻非 要齊治均平之本以盡天下之故以端萬化之原 光動四氣之和著萬物之理為聖人內外交修之 萬民以安賓客以說遠人之驗乎然生民之道樂 即大司樂所謂大合樂以致神祗以和邦國以皆 之哉昔帝舜揮紋歌風而命變典樂凡作樂之性

こうこう こう 四人 御覧經史講義				出其範圍矣	情致樂之功用不數語該括靡遺後之言樂者莫
五十八			÷		遺後之言樂者莫



大己り山上 かり 一 御覧經史講義 詩言志歌永言聲依永律和聲 書經 言故曰詩言志既形於言必有長短之節故曰歌 聲者宫商角徵羽所謂聲依永也既有長短清濁 蔡沈集傳云心之所之謂之志心有所之必形於 則必以十二律和之乃能成文而不亂所謂律和 永言既有長短必有高下清濁之殊故曰聲依永 監察御史臣丁廷讓 五九

金分口屋台書 聲也 詩言志風語所及婉而多思也謳吟所傳微而善 中和之理著氣準乎數而節宣之古微固可次第 即寓蓋自天地有氣數生人有性情性發為情而 即其生於人心者通於人聲而樂之道全教之事 臣謹按樂者天地之和也凡音者由人心生者也 以驗者而要必自志始人有所志必形於言故曰 人也人聲於是乎托始矣然而猶未為樂也追流 卷儿

聲不相亂比音從律而盡其神則優柔平中而聲 則以律和之即器審音而盡其變則翕純鍛繹而 之而知中商中齊斯為歌之比類相成者耶自是 也抑揚往復而聲從出馬聲非以依永乎君子聽 知宜風宜雅斯為志之引伸者耶然而猶未為樂 連咏歎而歌從生馬歌非以永言乎君子聽之而 不相好益聲者宮商角徵羽原有長短清濁之 而人聲之用無不畢宣矣然猶未必其聲之和也

大二·可· / 二· 一 御 覧經史講花

车

動员四月全書 然之節庶幾聲無不和而作樂之道其本諸此乎 聖心之妙算也唯以天地自然之數合於人聲自 孔子曰與於詩成於樂益所以蕩滌邪穢消融渣 生勢如破竹矣天地大數始於一而終於十黃鍾 為徵南日為羽總以上生下生三分損益隔八 為徵為羽如黃鍾為官太族為商姑洗為角林鍾 大抵長而濁者為宮以漸而清且短則為商為角 以九為法若通用其全則變化不行用九之法正 相

てこりら ハムラー 卸電經史請義 無虐無傲也益以志為始故能協剛桑之用而全 其材以律為歸故能移氣質之偏而養其德教胄 陰陽之律則志氣清明此剛者簡者所以聞之而 和平此直者寬者所以聞之而温且栗也聲氣本 之數人心自然之聲也歌咏從律而不乖則心志 相為官即所謂律和聲也是律也者正天地自然 **滓動盪血脉流通精神養其中和之德也樂記云** 小大相成終始相生禮運云五聲六律十二管旋 ド

多走四库全書 一 *九


こうり 命汝作納言夙夜出納朕命惟允 稽矣 蔡沈曰納言官名命令政教必使審之既允而後 書經 陳師凱曰自孔安國註出納朕命以為聽下言納 使審之既允而後入則邪僻無自進而功緒有所 出則讒説不得行而矯偽無所託矣敷奏覆逆必 1:1: 御覺經史講義 給事中臣楊二酉 至

郊坑四月全書 順也 至明有所未周差之毫釐謬以干里所頼有人馬 臣謹按人君膺圖御宇萬幾日陳於前誠有所未 君命之當否當者出之否者納之惟至於允當而 逆以配出約然終於朕命二字欠通竊意欲其審 陳善閉邪俾嘉言美政日達於朝野上下之間而 止如後世批牧審獲之官庶於出納朕命文義明 於上受上言宣於下蔡傳又分命令政教數奏覆

大巴口巨 白馬 御覧紅火訴義 等蓋曰與天子相可否者宰相也與天子爭是非 身謀納言者亦然歐陽修又謂諫官雖卑與宰相 志其大舍其細先其急後其緩專利國家而不為 海之衆得失利病幸於一官使言之居是官者當 謬職與諫官等司馬光論諫官曰以天下之政四 謂如漢侍中宋給事中其入告出宣亦得繩愆糾 夫納言之難也司審覆之任而有封駁之責朱子 讒說於行皆不得起而乘之則約言之職秦要矣 な三

金岁里是人 防讒間衛羣賢以成其終夫大知如舜而防微杜 間得行則賢者不安而前功遂廢故命作納言以 隆禮樂明備之後以為羣賢雖盛治功雖成尚證 者斥之是者宣之非者静之功豈在宰相下哉非 謂納言者審天下之理决天下之議可者陳之否 者諫官也宰相定天下之機諫官言天下之務所 公明正直其孰能與於斯舜之命龍也於教養兼 漸以為治忽之機在此一命則舜之所以信龍 必 卷九

飲定四庫全書 柳 知道經史縣礼 舜所以命龍之意重在遠讒而陳師凱拘於朕命 至於亂說說之能中人主其可畏矣乎觀此可鑒 魏徵而成貞觀之治德宗不終用陸贄而後復幾 陳國事多好豈納言之本意哉昔唐太宗能信用 從可知已後世非無納言之官而公明正直未必 能出納惟允與龍之所以為龍必能不負帝命俱 如龍徒有出納之責而鮮封駁之事遂致邪説横 二字之義謂欲其審君命之當否以為出納殊於 公山



夙夜出納朕命惟允 書經

不得行而矯偽無所託矣既允而後入則邪僻無 蔡沈日命令政教必使審之既允而後出則讒説 給事中臣應邁祖

以來所謂中書門下者皆此職也 自進而功緒有所稽矣周之內史漢之尚書魏晉

莊

臣

者而出納之際顧以慢易将之可乎自庶頑讒說 宣示來兹夫固有幾經睿應猶不勝其鄭重之思 威之大政深之子奪進退之微權用以覺世牖民 喉舌者其事顧不重哉夫大君有命顯之慶賞刑 天命也天以萬物為心故乾元資始無私普造物 或借上古而出以摇國是或假公論而入以感主 之大君以覆載為量故聖謨廣運有覺徵王心之 人君於此将欲使萬方訓之四國順之則司天

次定四軍全書 如 如既無史精義 宸来與将無有小人夤緣其間與其果出於宸来 者多矣是故義利公私之分介辨之宜早而夙夜 里之差深關乎治體出納之不謹而讒說之害治 聰而智巧便伎之徒得以告其術即不然猶是上 也然後出布四方而德意以宣其入也既允而後 出納之間防之必嚴其出也既允而後出其出於 之命令而抑揚輕重之間稍失其本吉即毫釐子 入其出於與情與将無有小人依託其間與其果

典樂諸人并重此以見聖帝謹始慮終防維若是 思中天之世喜起同心九官十二牧師師濟濟固 是君之明命一天之命而讒說之害治無慮矣獨 嬌偽無所施が倭無自進宸聰問級國是用的由 已野無遺賢萬國咸寧豈復有頑讒之足慮乃必 出於與情也然後入納明廷而羣情以協夫是故 以出納惟允態態語誠至與明五刑敷五教典禮 ·鄭聲传人之戒隔代有同揆也

帝曰咨汝二十有二人欽哉惟時亮天功 書經

立乎萬幾之先周乎萬幾之後者一以敬為主虞 臣謹按帝王代天理物一日萬幾無非天事而其

編修臣将麟昌

敬天之心行法天之政而治道亘干古而獨隆雖 明終之以欽哉帝王統系相承不外乎是用能以 書首之以欽若昊天終之以勃天之命首之以欽

次定四軍全事 一一 柳寬經火清義

君奉天之心為心唐虞草昧初開人心醇撲君臣 之功統繫於天臣開治絲者聚干萬縷而理而分 憑而非付之或然或不然之數故二十二人所分 動色相做必及覆言天益天人感應之理確有可 臣奉君奉天則宜以天之心為心奉君即宜以人 下之務百僚庶職所以分一人之任也君奉天而 之不可清應事者積千萬事而雜而投之不可紊 然人主能以一心運天下之幾不能以一 身周天


7.17. d 1.11. 意良深矣臣皆釋而思之人臣不知謹獨之學在 氣清和咸理舜故重為惕之當時綱紀初張平成 運而不息人事日起而有功時之為義亦大矣雖 **克工之義即皐陶該所謂庶明勵翼也夫天事日** 天下之志氣而化天下之朋黨哉大抵聰明材力 未奏二十二人左右厥辟卒致太平欽哉一命 上治無迹而堂亷中有震動恪恭之象則海內之 位乃多粉節之文相習成風遂多叢胜其何以振 御覧經史滿義 なべ

銀好四月全書 即 爾位 頯 然 日 於公私之介就天理流行處時時悚惕此心漸 事而遷延以該曰俟異日又閱時而曰俟後 用 故事倖求免過為敬則其敬私誠令天下曉然 則莊敬者日强之本也顧蓋臣之盡職以靖 或銳志以往鮮克有終雖有初圖亦為文具矣 何如耳志氣清明動罔不吉其或委靡瞻徇遇 夙夜匪懈為敬 則 日見有餘日弛則日見不足要亦視其志 則其敬公具臣之循分以奉

大正 日重 在一一一一一一一一一一一一一 帝天之式憑若思神之胎鑒方蹇蹇匪躬之不暇 恩怨分明人各自為之故果其幽獨皎然不欺若 受其事之成古來門戶一開競不相下大率由於 欲而虚有主而静馴致於泛應曲當功崇而業廣 德性堅定 則自私自利之說自不足入其懷來無 興動關國是朝廷官非一職位非一人然必以數 則敬誠率作與事之本而忘氣所由振也朋黨之 十百人之心分之合之皆所以為國然後君得以 完

金人口屋 白雪 矣臣更進原其時舜之德曰温恭舜之政曰慎徽 於民雖衆論紛紅不妨借箸而陳也理有未安情 爱惜人材不忘吐握而非干譽也尚利於國茍利 敬事為心則慎重名器無所引援而非遠嫌也即 而又何黨馬且人臣事君亦事以心而已其心以 是其敬畏之心的然如揭而益之言曰罔遊於逸 之同寅協恭以共濟都俞吁哪以相成亦良可懷 有未順雖盈廷唯諸不妨補贖而進也然則唐處

欠足四年在等 學 御覧經史滿義 明驗哉 忽之則喜怒哀樂将决其防舜惟持精一之旨開 敬為之倡矣虞廷十六字心傳特重危微設以為 臣鄰之先用能昭受上帝申命用休而其臣亦思 日攢襄以熙帝載則時亮天功非即天人相與之 **畏自我民明威古君臣告戒之意固顯以一人之** 未危而安之則聲色臭味易投其隙以為甚般而 罔滛於樂臯陶之言曰天聰明自我民聰明天明 ギャ




次已写真 上一 和寬經史講義 帝曰咨汝二十有二人欽哉惟時亮天功 之辭也究其立言之旨可以見朝廷設官分職之 書經 臣謹按此帝既已命四岳九官十二牧而復申飭 陳大猷曰皆當敬以趨時以輔相顯明天之功二 而總戒之 十二人職雖不同其為天下之事則一故提其綱 監察御史臣李嫄 노

金万口屋人門 著致治之不古若厥有由己謹稽帝舜之命諸臣 無非天事自後世視此為人為之私故天位天職 者曰時亮天工若不自有其爵賞之功而並不敢 功名次則惟圖利禄榆材之典不明建官之義問 其事分之庶司百執事是臣事無非君事而君事 不能自治而以其事界之君君亦不能獨理而以 且以為奔走斯人之具而應命而來者上僅志於 本馬可以見百爾夙夜靖共之實馬益天降下民

ここうし こう 各殊其責而帝惟曰欽者何也欽則妄念消而自 乎固帝之善於承天也至諸臣之所以時亮者更 舉上帝所欲理之端惟人有以代之禮樂兵農舉 不一矣或治外或治内各異其途或總治或分治 上帝所欲用之人惟帝有以使之帝之善於任人 天之所以範圍而不過曲成而不遺者工虞水火 刑天討即若予工若予上下草木鳥獸亦無非本 獨擅其分釐之事者誠以倫天叔禮天秩服天命 188 即覧經史構良 兰

おけ 四月全書 聞 私自便之圖樂不足以汨其公忠之本體欽則神 懷故任無論大小統之以欽若之心則自無不稱 智生而為疑為撼之端舉不足以擾其寧静之天 不欽之由也而帝堯之光被四表帝舜之元徳升 通之智慮彼鯀之績用弗成惟曰方命圯族是即 之職守才無分優劣攝之以欽異之念則自無不 之驗乎是知古帝王之致治無一事不本於天無 則曰欽明允恭一則曰温恭允塞謂非能欽

(プロ)可, M / 一 / 御覧紅史稀義	又寧敢以因循曠厥職與	敢以爵秩暱私人臣而守此義則本匪懈為獻納一人不原於敬君而知此義則本簡在為去取問
×+=		匪懈為獻
		納 日



CONTRACTOR STATE 欽哉惟時亮天功 書經 之事天事者天功也此虞廷二十有二人統告之 之君以事任之臣而臣分理之事君之事即事天 於上而靖共者承於下天以事授之君而君統治 心而盡天職則凡人君之事皆天事也就業者率 臣謹按帝王膺天命履天位必法天行健以體天 御覧經史請養 監察御史臣胡寶珠 上山

多好四庫全書 有明作之才而又将之以小心有振與之氣而復 岳以統十二牧也有總治者有分治者各敬其職 主之以嚴異自不容不惕然於君命之對楊凛然 功皆天功也欽以立時亮之本時亮以大欽之用 內有百揆四岳外有州牧侯伯百揆以統庶官 以時亮天功益二十二人之功皆君之功而君之 以惟時亮天功而必以欽哉共勉之者君以敬作 臣即以敬盡職也周官曰唐虞稽古建官惟百 四

こうし 事可不敬飲敬則誠誠則無欺無欺而心皆實心 餐有戒其為上為德為下為民以熙庶績而康庶 州牧侯伯所以治外君以一人統大權於臣工之 采惠疇各宣其力鞠躬盡瘁不知其勞斯君有得 而時幾交做不敢少懈凡為之臣者匪躬有經素 上宵衣旰食日理萬幾本無逸之心以勃天之命 人之慶臣無曠職之愆矣夫百揆四岳所以治内 於上天之降鑒而敬事以敬君敬君如敬天則亮 7.11. 即覽經史辦茂 17

多定匹庫全書 心庶政所以惟和萬國所以咸寧也 然皆有成績者上無員於君而即無員於天也君 刑工虞水火虞廷之所以綱舉目張內修外治燦 後食而且儆戒無虞慎修思永君臣一徳上下 以欽而明臣以欽而亮君敬天而勤民臣敬事而 矣敬則公公則無私無私而政皆實政矣禮樂兵

た正日日 AIEI 即 御覧經史務義 欽哉惟時亮天工 書經 臣謹按虞舜此言見官職之宜盡也人臣承君簡 亦不可有一念之或弛馬從來言臣職者國爾忘 事即當以君心為心夫兢兢業業一日二日萬幾 命布列庶位非徒博榮名膺厚禄已也以君事為 君已無微之不慎則臣所以靖共爾位無曠厥官 監察御史臣張日譽 とよっ

銀分口屋白書 實天之功馬典曰天叙見陰騰之有自也禮曰天 家公爾忘私以為君事不容緩也然非徒君之事 事之所赴若姑待異日無論不能行也即行矣而 敬機務乳多惟斷斯集惟敏有功時之所乘即 當前之所棄已多且至異日安知事不迭起而尚 不自勵乎然盡職之道在因時而因時之要在主 之無私也上帝原非輕付則責任不容旁貸臣可 秩見品節之有本也德曰天命罪曰天討見刑賞

敬則能勤而情不流於玩喝敬則能定而事不擾 時急於前者不緩於後勵於朝者不留於夕五辰 於紛更敬則能明而機不昧於權變古人之奮庸 既撫庶續自見其日凝馬獨是黽勉之精神必由 亦隨處易忽故聖王之告臣工不以他端相投而 眼為此乎因循苟且往往愈積而愈繁惟策之以 必以欽相易者以為敬則能密而心不失於粗浮 小心而出無謙抑之念每遇事多疎少沉静之思 生

多分口屋 有書 乎哉 熙載其法不越此也雖然欽之為道所該者博堯 治人之要無不胥括其中為治者可須臾之或離 典之辭以欽始益稷之謨以欽終敬修可願惟欽 可以迎天休慎爾祥刑惟欽可以恤民命凡修己

欽哉惟時亮天功 書經 **寀之職天職也敬以圖治嚴欽若而篤温恭乾惕** 敬以為勤政之本而已矣蓋朝廷之治天治也寮 之念不懈於朝夕其孜孜而罔替者常砥礪於緝 盆保泰之基臻長治久安之盛者要皆持一心之 臣謹按古帝王極隆之軌至治之休其所以裕持 即觉照史事茂 監察御史臣永世


銀定四庫全書 熙有密之内敬以奉職懋勵異而効公忠恪慎之 豫大之圖惟其主敬以立勤政之本斯大業光的 其治已安而益求其安者悠久之化理自茂著夫 告戒之殷勤恒惕勵於盛明之世而已治而益求 不已之中是故未治而求其治未安而求其安者 懷無間於終始其凛凛而無數者尤黽勉於純 分其任於羣工凡人臣之所以輔弼而贊襄奮庸 献赫弈其道胥由於此也夫一人憲天出治而 ここうえ ハニー 御覧經史訴義 道也哉蓋久安長治之業在乎法之盡善而更在 体惟在異為明聽之司彰其化馬可曰瞬息之頃 慎其守法之志在乎政之悉舉而尤在凛其敷政 弛其何以協寅恭而光謨烈有裨致治保邦之要 龐而承流宣化者或以承平之可恃致兢業之偶 安易忘恪恭當府事修和之後人歌樂利俗尚敦 之心天作之君而君不能以獨理廣君德以近天 而熙載者何莫非天之事數顧憂勤所以保泰晏 华儿

多定四庫全書 襄務東諸道本實意以盡弼亮之誼已治而益求 亮之休已安而愈求其安俾豐功之美備者昭然 倫務盡其職典禮掌樂務竭其忱敷實政以效寅 献馬可曰造次之微弗深戒懼欺欽之而教稼明 自 何時不凛有嚴有異之心天生蒸民而民不能以 其治俾成功之廣被者燦然其彌著而欽承匪 理恤民瘼以協天心惟在股肱心膂之箭宣其 加兢惕歟欽之而輔佐變理務協於中政沃匡 懈

可以貫諸萬事則無隳人事者自無曠乎天工敬 知敬為制事之本而人事莫非天事一事之嚴恪 之功所以為致治保邦之要道數 為持心之要而人心可 証天心一日之戒慎必以 其益顯而欽若弗達何時不屋無怠無荒之念是 矢諸百年則久孚人心者自久凝夫天命此主敬

欠已日年 AB与 一 柳 覺經史講義

子



載考續三考點炒幽明底績成熙 書經 既各二十有二人而勗以時亮天工矣而所以進 期於專治而欲精之者也虞帝命官以奮庸熙載 工於以知當時之世其官一如工人之世其業皆 在堯典有曰平章百姓孔氏傳云百又曰允釐百 臣謹按唐虞之世建官惟百而考課之制暴嚴其 右中允臣朱良裘

金罗口座有量 官之詴而後受大而有察吏之能此天下之通義 退百執事者復定為三載考績之制績之為言積 之有方而後庶司鼓舞於弗倦亦惟任小而無曠 臣子食禄一日必有一日分所應為惟長吏倡率 夜思也蓋人君子人一官必有一官所司之事 而 功而後文理成就有昭然可見之迹故考其成者 也其義莫著於治緣必銖積寸累有一息無間之 必遲之以月要嚴會而課其功者實與之以早作

: 1 宰之職歲終則令百官府各正其治受其會聽其 乎天下之至公而聲力畢奮眾功皆廣也周禮家 憑故必候三載而後考其績之有成與否又以才 也惟是其間有餘不足之數未可以日月之計為 幽者一無表見判然如白黑之分此點防所以合 而言幽明者正以績之昭著彰彰在人耳目間而 有短長時有利鈍事有繁簡任有重輕未可同年 而 語故必歷三考而後加以熟陟馬其不言能否 1111 1 御覧經史講義 主

銀定匹庫全書 要漢京房奏考功課吏法未見施行而為小人所 之或易爾漢魏之君屢講求考課之法而莫得其 制事而記王廢置三載則大計羣吏之治而誅賞 語魏杜紀遂謂用不盡其人雖文具無益歷六代 之代有先後故制有遲速要其所以考課之法莫 不便於世久矣自考課不行而後之用人者遂苦 而考績之法不著閱上聖而課試之要未立其法 粗依其詳難備舉於是考課竟不行盖考課之

火足口事会与 即 御览祖史請我 所不能若使內外百寮之長各考其所屬之績固 贄有言抜擢以簡賢能廢置以絀不肖循資按格 任任法任人皆不能有得無失可考而知也唐陸 於無所據或以年勞或以流品或以採訪或以保 顧使人君以一身而考庶司百執事之績勢固有 天下至大萬幾至衆非一明所能福照是則然矣 則所謂賢不肖與中材又庸有定乎杜恕之言曰 以處中材其論為平允然果不一考其歷官之績 生

金少口万二十 力所能為而責所不容謝者誠擴其愛憎之私祛 載之治其或有當與 其觊觎之私人才日奮化理日隆於以佐亮功熙 夫然後殿最有定評舉刻有定論登庸者無躝 月有省馬或勤或惰或優或絀必昭然不可掩者 其毀譽之蔽而實考其職分之所有事日有試馬 之嫌沉滯者無積薪之嘆而苟且僥倖者無所容

三載考績三考點陟幽明庶績咸熙 當賞罰當而後人心勸鼓舞之機端在於此為其 事之得失可見於是陟其明而點其幽賞罰明信 蔡沈曰考核實也三考九載也九載則人之賢否 書經 臣謹按考課者人君之大柄也功過明而後賞罰 人人力於事功此所以庶績咸熙也 印完至七片見 修撰臣金德瑛 110

欽定匹庫全書 守一官其青之也專其任之也久是以六府三事 不克自展其飲為惟以三載九載為期則賢能者 太寬則人情易即於尚安太與則或東於時日而 允治萬世永賴也且人君勞於求賢而逸於得 品秩之優崇非如後世之遷徙靡定稷契終身止 得從容以奏其績而中庸以下之材涖官任事既 明無葉人亦無關事矣况古所為陟者五章五服 久亦可以漸自濯磨振拔惰化而為勤閣化而為 - T

竊以為史臣所紀立法之大體耳其或偶有儉壬 隨時糾察固不可發也且夫用人之道與其嚴之 百職事之賢否自各隸於其長而分其督勵進退 牧之外無聞馬蓋委任責成惟此二十二人論道 之權可推而知也然則三考以前遂無點陟乎 經邦承流宣化固已振其綱而挈其領其餘庶官 未繁豈二十二人止哉而舜命官四岳九官十 唐虞稽古建官惟百外簿四海咸建五長雖為數 和寬經史購民

卸定四庫全書 辨然後使之未有違材而用不學操刀而使之割 備官也人之材質各有所長易其地而弗能為良 君上及同列之人咸信之故可確然一旦授以重 水上兵農禮樂經緯彰著於平日在被先自信而 也舜之諸臣有專命者有咨於四岳及儒衆者凡 雖大聖大賢猶不輕使况其下馬者哉夫如是故 任而不辭非有所勉强遷就不得已而舉其人以 於其後無寧審之於其先古者司馬辨論官材論

くこりる 馬其所點者蓋至寡矣後世防閉道密拘於資格 於始存乎考績點陟之先尤正本澄源之道也 知也及知之而考之點之固已晚矣此所以審之 次而得之無非任而後學者能與不能當前不之 任法而不任人多為遷避以示公探籌而界之需 不待考績之時而已逆料其人之必有成偶有失 1.1.10 B 御覧經史講義

多分口月子書